



CONVENIO DE COLABORACIÓN ENTRE A FEDERACIÓN GALEGA DE MUNICIPIOS E PROVINCIAS E A UNIVERSIDADE DE SANTIAGO DE COMPOSTELA PARA A ORGANIZACIÓN DE PRÁCTICAS DOS ALUMNOS.

REUNIDOS

Dunha parte, don Juan José Casares Long, Reitor Magnífico da Universidade de Santiago de Compostela que actúa en nome e representación dela en virtude do Decreto 99/2010, de 17 de xuño, (DOG do 24), de seu nomeamento , e polas facultade conferidas pola Lei Orgánica 6/2001, de 21 de decembro, de universidades, modificada pola Lei Orgánica 4/2007, de 12 de abril e o Decreto 28/2004, de 22 de xaneiro, polo que se aproban os estatutos da Universidade de Santiago de Compostela.

Doutra, o Sr. D. José Manuel Rey Varela, Presidente da Federación Galega de Municipios e Provincias, que actúa para este acto en representación desta en virtude do disposto nos artigos 44 e 46.1.B dos seus Estatutos.

MANIFESTAN

Que a Universidade de Santiago de Compostela, dedicada a actividades de docencia e investigación, ten a vontade de facilitar aos seus alumnos unha formación práctica que lles permita ter unha alternancia coa formación teórica, e á súa vez, logra a súa mellor cualificación e futura adaptación á realidade social.

Que a Federación Galega de Municipios e Provincias aquí representada, ten interese en participar e colaborar na formación práctica do alumnado da Universidade de Santiago de Compostela.

En consecuencia, por proposta da FEGAMP, acordan formalizar o presente convenio de colaboración segundo as seguintes

CLÁUSULAS

1. Obxecto do convenio

O presente convenio ten por obxecto establecer a colaboración entre as partes de cara a unha adecuada programación, desenvolvemento e verificación de prácticas académicas externas t do alumnado da Universidade de Santiago de Compostela nas dependencias da FEGAMP ou dos concellos que se adhiran a este convenio conforme ao que se indica na cláusula 3.

2. Obxecto das prácticas

O obxecto das prácticas é o desenvolvemento de tarefas adecuadas ao seu nivel de formación que lles sirvan para adquirir unha experiencia enriquecedora para que, unha vez finalizado o seu período de estudos, poida dispor dunha perspectiva que lle permita o seu enganche no mundo laboral.



3. Oferta de prazas de prácticas

A Federación Galega de Municipios e Provincias comprométese a colaborar coa Universidade a través das distintas Facultade/Centros, facilitando aos alumnos realizaren prácticas que lles permitan completar a súa formación recibida nas aulas.

A Federación Galega de Municipios e Provincias divulgará entre os concellos e deputacións de Galicia a existencia deste convenio, coa finalidade de que oferten prazas de prácticas aos alumnos das titulacións que se relacionan: no Anexo I deste convenio

A oferta de prácticas realizarase mediante a adhesión a este convenio e o compromiso a respectar as cláusulas que o rexen, para o que se utilizará o **modelo anexo I**. As ofertas recibidas trasladaranse as Facultades reseñadas no **ANEXO II**.

Tanto os concellos como deputacións colaboradoras citaranse a partir deste punto como entidades colaboradoras.

As distintas Facultades realizarán as convocatorias de prácticas que correspondan, nas que se indicarán as prazas ofertadas a través deste convenio, de acordo coa normativa de prácticas da USC vixente.

4. Período de realización das prácticas

As prácticas que son obxecto deste convenio realizaranse no período que determine a Comisión de Seguimiento e concretaranse nas convocatorias que faga a USC.

5. Número de horas e créditos que se recoñecerán

As prácticas que realicen os alumnos constarán como máximo de horas por período as que estableza o plan de estudos correspondente (ANEXO I) (nestas horas estará incluído o tempo de titorías dos alumnos, así como o necesario para a elaboración da memoria que se establece neste convenio).

Computarase un crédito por cada 25 horas de prácticas realizadas ao abeiro deste convenio, sen poder superar os límites que para estes efectos establece o plan de estudos.

6. Tutores/as responsables e órgano universitario responsable

A Comisión de Seguimiento nomeará, para cada un dos períodos e prazos das prácticas que se convoquen, as persoas, por parte da USC e da entidade colaboradora, que actuarán como coordinadores-responsables.

O Titor da entidade colaboradora poderá obter, a petición propia, o recoñecemento a súa actividade como titor nos termos previstos na normativa da USC.

7. Selección dos/as alumnos/as

A USC seleccionará as persoas que van realizar as prácticas consonante unha convocatoria que respectará os principios de publicidade, igualdade, obxectividade e mérito.

Antes do inicio das prácticas os alumnos seleccionados e a entidade colaboradora recibirán o proxecto formativo obxecto da práctica.

8. Memoria das prácticas

Ao remate de cada período de prácticas cada un dos/as alumnos/as deberá realizar unha memoria final sobre o traballo realizado.

9. Procedemento de avaliación

A avaliación das prácticas realizaraa a USC a través do titor/a, á vista da devandita memoria e do informe do titor/a de prácticas da entidade colaboradora.



Soamente poderán ser avaliadas favorablemente se a ausencia total non excede do 15% das horas programadas.

10. Certificación da entidade colaboradora

Se a avaliación da memoria é positiva e o informe da actuación favorable, a entidade colaboradora emitiralle a cada un dos/as alumnos/as que participaran con regularidade nas prácticas unha certificación na que debe constar o tempo de colaboración e as actividades, traballos de investigación ou avaliación, etc... realizados.

A certificación deberá especificar que, para os efectos académicos, queda supeditada á avaliación que das prácticas realice a USC.

11. Relación coa entidade colaboradora

O feito de que o alumnado realice prácticas nunha entidade colaboradora non suporá ningún tipo de relación laboral con ela nin determinará a existencia de ningunha responsabilidade pola súa parte. Aqueles que teñan menos de vinte e oito anos seguen baixo a protección do seguro escolar. Para os estudiantes maiores de vinte e oito anos formalizarase obligatoriamente a cargo de estudiante un seguro específico no momento da súa matrícula na USC.

As continxencias derivadas de responsabilidade civil esta'n cubertas por unha póliza subscrita pola USC.

12. Obrigas da USC

A USC non achegará financiamento adicional polo feito de asinar este convenio.

13. Protección de datos

De conformidade co dispuesto na Lei orgánica 15/1999, de decembro, de Protección de datos de carácter persoal, o/a estudiante en prácticas que por razón das actividades formativas teñan acceso, en calquera fase do tratamiento, a datos de carácter persoal non revelará a persoa allea á empresa/entidade información da que tiveran coñecemento, nin utilizar ou dispoñer dela dun xeito ou con finalidade distinta á esixida polas accións formativas, obriga que subsistirá aínda despois de rematadas as mesmas, respondendo en caso de incumprimento do deber de secreto fronte á empresa/entidade, sen prexuízo das responsabilidades que por igual causa puideran derivarse ante a Axencia Española de Protección de Datos.

A tal efecto o/a estudiante asinará coa empresa/entidade un documento no que se obrigue a cumplir o deber de secreto antes citado

14. Comisión Mixta de Seguimiento

Para o seguimento do convenio establecerase unha comisión mixta na que participarán, pola USC, a Vicerreitora de Titulación e PDI ou persoa que designe, e o responsable das prácticas do Centro; por parte da FEGAMP, as dúas persoas que esta designe.

Esta Comisión Mixta comprométese a cumplir os obxectivos que xustifican o asinamento deste convenio, cumprindo de modo específico as seguintes funcións:

- Formular as propostas sobre o número de prazas de cada convocatoria para a realización de prácticas formativas correspondentes a cada curso académico, de acordo cos criterios e normas que se han establecer oportunamente.
- Propoñer ao Reitor o nomeamento do tutor/a responsable tanto na entidade colaboradora como na Universidade para cada un dos prazos ou períodos nos que se convoquen as prácticas.
- Establecer os criterios de avaliación e control das prácticas tuteladas.



- Interpretar e aplicar, con carácter xeral, as estipulacións deste convenio, así como controlar o seu cumprimento e resolver os conflitos entre as partes.
- Propoñer *addendas* ou modificacións a este convenio para que sexan aprobadas polos órganos competentes.

15. Normas de aplicación

A este convenio serallex de aplicación a seguinte lexislación:

- Real Decreto 1707/2011 de 18 de novembro polo que se regulan as prácticas académicas externas dos estudiantes universitarios..
- Real Decreto 1393/2007, de 29 de outubro, polo que se establece a ordenación das ensinanzas universitarias oficiais.
- Normativa de Xestión Académica aprobada por Resolución Reitoral de 12 de novembro de 1998, modificada e refundida pola Resolución Reitoral del 22 de xullo de 2007
- Normativa de prácticas externas en empresas e institucións aprobada polo Consello de Goberno de 30 de maio de 2008.
- Planos de estudios das titulacións referenciadas no Anexo II.

16. Entrada en vigor e vixencia do convenio

Este convenio entrará en vigor ao día seguinte do seu asinamento e estará vixente por dous cursos académicos. Prorrogarase automaticamente por cursos académicos sucesivos se ningunha das dúas partes o denuncia de xeito expreso, avisando con tres meses de antelación.

En calquera caso, o convenio non poderá rescindirse no caso de que haxa alumnos/as seleccionados/as para realizar un período de prácticas, namentres non rematen estas.

17. Xurisdición

Convén indicar que se trata dun convenio de colaboración de carácter administrativo, sendo necesaria a atribución á Xurisdición Contencioso-Administrativa da competencia de coñecer as cuestións litixiosas que poidan xurdir na execución deste convenio.

En proba de conformidade, as dúas partes asinan este convenio no lugar e na data que se indican máis abaixo.

Santiago de Compostela, a 30 de maio de 2012

POLA UNIVERSIDADE DE SANTIAGO DE
COMPOSTELA
O Reitor

Don Juan José Casares Long

POLA FEGAMP

Don José Manuel Rey Varela



ANEXO II

- Grao en Ciencias Políticas e Sociais- (30 CRÉDITOS= 750 horas)
- Grao en Educación Social-Practicum I (12 CREDITOS = 300 horas);
Practicum II (18 CREDITOS = 450 horas)
- Grao en Pedagoxía Practicum I- (12 CREDITOS = 300 horas);
Practicum II- (18 CREDITOS = 450 horas)
- Grao en Traballo Social- Practicum (22 CREDITOS= 550 horas)
- Grao en Psicoloxia- Practicum (12 CREDITOS = 300 horas)
- Grao en CC. da Cultura e Difusión Cultural- (6 CREDITOS= 150 horas)
- Grao en Relacións Laborais e Recursos Humanos (12 CREDITOS = 300 horas)
- Grao en Historia- (6 CREDITOS = 150 horas)
- Grao en Historia da Arte- (12 CREDITOS = 300 horas)
- Grao en Xeografía e Ordenación do Territorio- (6 CREDITOS = 150 horas)
- Máster Universitario en Servizos Culturais- (6 CREDITOS = 15 horas)
- Máster Universitario en Turismo Urbano e Xestión de Empresas Turísticas- (9 CREDITOS = 225 horas)
- Máster en Desenvolvemento Rexional e Integración Económica: (18 CREDITOS = 450 horas)
- Máster Universitario en Educación, Xénero e Igualdade.(25 CREDITOS = 625 horas)
- Máster Universitario en Xestión Pública (30 CREDITOS = 750 horas)
- Máster Universitario en Dereito das Administración e Institucións Públicas.(6 CREDITOS = 150 horas)
- Máster Universitario en Xestión e Dirección Laboral – (6 CREDITOS = 150 horas)



**ADDENDA AO CONVENIO DE COLABORACIÓN ENTRE A FEDERACIÓN
GALEGA DE MUNICIPIOS E PROVINCIAS E A UNIVERSIDADE DE
SANTIAGO DE COMPOSTELA PARA A ORGANIZACIÓN DE PRÁCTICAS
DO ALUMNADO.**

REÚNENSE:

Dunha parte, don Juan José Casares Long, Reitor Magnífico da Universidade de Santiago de Compostela que actúa en nome e representación dela en virtude do Decreto 99/2010, de 17 de xuño, (DOG do 24), de seu nomeamento, e polas facultade conferidas pola Lei Orgánica 6/2001, de 21 de decembro, de universidades, modificada pola Lei Orgánica 4/2007, de 12 de abril e o Decreto 28/2004, de 22 de xaneiro, polo que se aproban os estatutos da Universidade de Santiago de Compostela.


Doutra, o Sr. D. José Manuel Rey Varela, Presidente da Federación Galega de Municipios e Provincias, que actúa para este acto en representación desta en virtude do disposto nos artigos 44 e 46.1.B dos seus Estatutos.

Ámbalas dúas partes reconócense con capacidade legal suficiente para outorgar a presente Addenda e, para os efectos,

MANIFESTAN:


Mediante convenio asinado entre a Universidade de Santiago de Compostela e a FEGAMP con data do 30 de maio de 2012 acordouse a colaboración para a realización de prácticas académicas externas das titulacións reseñadas no ANEXO II ao convenio.

Posteriormente, e dada a oferta de prazas por parte dos Concellos para a realización de prácticas de alumnado de titulacións non incluídas no citado ANEXO, estimase oportuno ampliar as titulacións da Universidade ás que se poderán ofertar prácticas.



En consecuencia, acórdase incluir a seguinte CLÁUSULA ÚNICA

Incluir aos alumnos/as de todas as titulacións oficiais impartidas na Universidade de Santiago de Compostela no ámbito de aplicación do convenio entre a FEGAMP e a USC.


En proba da súa conformidade, as dúas partes asinan esta *addenda* no lugar e data que se indican más abaixo.

Santiago de Compostela, 7 de xuño de 2012

POLA UNIVERSIDADE DE SANTIGO DE
COMPOSTELA

Por delegación do Sr. Reitor
(RR do 01.08.2011-DOG 18.08.2011)

A vicerreitora de Titulacións e PDI



Dª Carmen Fernández Morante

POLA FEGAMP

O Presidente



D. José Manuel Rey Varela